

Հաստատված է  
«Ճարտարապետության և շինարարության Հայաստանի ազգային  
համալսարան» հիմնադրամի գիտական խորհրդի 2024 թվականի  
հուլիսի 10-ի որոշմամբ, արձանագրություն №01-07/24:  
Գիտական խորհրդի նախագահ,  
ղեկավարի ժամանակավոր պաշտոնակատար



*[Signature]*  
Մ. Գ. Բարսեղյան

#### ԸՆԹԱՑԱԿԱՐԳ

ՃԱՐՏԱՐԱՊԵՏՈՒԹՅԱՆ ԵՎ ՇԻՆԱՐԱՐՈՒԹՅԱՆ ՀԱՅԱՍՏԱՆԻ ԱԶԳԱՅԻՆ  
ՀԱՄԱԼՍԱՐԱՆՈՒՄ ՈՒՍԱՆՈՂՆԵՐԻ՝ ՄԻՆՉԵՎ 12 ԿՐԵԴԻՏ ԱԿԱԴԵՄԻԱԿԱՆ  
ՊԱՐՏՔԵՐԻ ՎԵՐԱՀԱՆՁՆՄԱՆ

Երևան 2024թ.

## I. ԸՆԴՀԱՆՈՒՐ ԴՐՈՒՅԹՆԵՐ

1. Սույն ընթացակարգով սահմանվում է «Ճարտարապետության և շինարարության Հայաստանի ազգային համալսարան» հիմնադրամի (այսուհետ՝ Համալսարան) առկա և հեռակա ուսուցման համակարգի ուսանողների՝ մինչև 12 կրեդիտ ակադեմիական պարտքերի մարման կազմակերպման և անցկացման գործընթացները՝ ըստ ՀՀ կրթության և գիտության նախարարի 2018 թ. դեկտեմբերի 17-ի թիվ 1676-Ն հրամանով հաստատված կարգի 11-րդ կետի պահանջների:
2. Քննաշրջանից հետո (ներառյալ ակադեմիական պարտքերի վերահանձնման երկու փուլերը)՝ մինչև 12 կրեդիտ առարկայական պարտքերը (քննություն/ստուգարք (կուրսային նախագիծ, կուրսային աշխատանք), այսուհետ՝ քննություն/ստուգարք) վերահանձնելու համար սահմանվում է երկու հնարավորություն, որոնք ուսանողները կարող են օգտագործել մինչև ավարտական ուսումնական տարվա սկիզբը:
3. Առավելագույնը 12 կրեդիտ կազմող ակադեմիական պարտքեր վերահանձնելու հնարավորություն է տրվում այն կիսամյակի քննաշրջանի ավարտից հետո, երբ առաջացել են այդ պարտքերը:
4. Ուսումնական պլանով նախատեսված դասընթացների քննությունները/ստուգարքները կազմակերպվում են Համալսարանի ներքին իրավական ակտերի և տվյալ դասընթացի ծրագրի համաձայն:
5. Համալսարանի ամբիոնները ուսանողների համար կազմակերպում են համապատասխան դասընթացից խորհրդատվություններ, որի անցկացման ժամանակացույցը հաստատում է ամբիոնի վարիչը:
6. Լրացուցիչ խորհրդատվությունների, քննությունների և գործընթացի կազմակերպման համար աշխատողների վարձատրությունը իրականացվում է ռեկտորի հրամանով:

## II. ՄԻՆՁԵՎ 12 ԿՐԵԴԻՏ ԱԿԱԴԵՄԻԱԿԱՆ ՊԱՐՏՔԵՐԸ ՎԵՐԱՀԱՆՁՆԵԼՈՒ ԺԱՄԱՆԱԿԱՑՈՒՅՑԸ ԵՎ ՔՆՆԱԿԱՆ ՀԱՆՁՆԱԺՈՂՈՎՆԵՐ ՁԵՎԱՎՈՐԵԼՈՒ ԿԱՐԳԸ

7. Դասընթացի քննության/ստուգարքի վերահանձնումը իրականացվում է ուսումնական աշխատանքների գծով պրոռեկտորին ուղղված ուսանողի դիմումի (Ձև 1) համաձայն՝ դասընթացի քննության/ստուգարքի համար սահմանված վճարումը ուսանողի կատարելուց հետո:
8. Ակադեմիական պարտքը վերահանձնելու համար ուսանողը համապատասխան ֆակուլտետի ղեկնատում լրացնում է ուսումնական աշխատանքների գծով պրոռեկտորին ուղղված սահմանված ձևի դիմումը՝ հետևյալ ժամկետներում.
  - 1) 1-ին կիսամյակում՝ հոկտեմբերի առաջին շաբաթում և/կամ նոյեմբերի առաջին շաբաթում,
  - 2) 2-րդ կիսամյակում՝ մարտի երկրորդ շաբաթում և /կամ ապրիլի երկրորդ շաբաթում:



9. Սույն ընթացակարգի 13-րդ կետին վերաբերող դիմումների ընդունումը կազմակերպվում է հունիսի առաջին շաբաթում:
10. Ֆակուլտետի դեկանի թույլտվությունը ստանալուց հետո ուսանողի դիմումը և վճարման անդորրագիրը դեկանատը ներկայացնում ընդհանուր բաժին:
11. Սահմանված ժամանակահատվածի ավարտից հետո ներկայացված դիմումները չեն քննարկվում և քննությունը/ստուգարքը վերահանձնելու թույլտվություն չի տրվում:
12. Դեկանը դիմումների, քննական հանձնաժողովների և քննությունների/ստուգարքների ժամանակացույցի վերաբերյալ տեղեկատվությունը սահմանված ձևաչափով (Ձև 2) ներկայացնում է ուսումնական աշխատանքների գծով պրոռեկտորին հետևյալ ժամկետներում.
  - 1) 1-ին կիսամյակում՝ հոկտեմբերի երկրորդ շաբաթում և /կամ նոյեմբերի երկրորդ շաբաթում,
  - 2) 2-րդ կիսամյակում՝ մարտի երրորդ շաբաթում և /կամ ապրիլի երրորդ շաբաթում:
13. Առկա և հեռակա ուսուցման համակարգերում ուսանողների՝ քննությունները/ստուգարքները վերահանձնելու մասին հրամանների նախագծերը ուսումնական գործընթացի կազմակերպման բաժնի կողմից մշակվում և ռեկտորի հաստատմանն են ներկայացվում հետևյալ ժամկետներում.
  - 1) 1-ին կիսամյակում՝ հոկտեմբերի երրորդ շաբաթում և /կամ նոյեմբերի երրորդ շաբաթում,
  - 2) 2-րդ կիսամյակում՝ մարտի չորրորդ շաբաթում և /կամ ապրիլի չորրորդ շաբաթում:
14. Քննությունների/ստուգարքների վերահանձնումը կազմակերպվում են հետևյալ ժամկետներում.
  - 1) 1-ին կիսամյակում՝ հոկտեմբերի չորրորդ շաբաթում և /կամ նոյեմբերի չորրորդ շաբաթում,
  - 3) 2-րդ կիսամյակում՝ ապրիլի առաջին շաբաթում և /կամ մայիսի առաջին շաբաթում:
15. Վերահանձնման մեկ փորձ կատարած բակալավրի առկա ուսուցման 3-րդ կուրսի, հեռակա ուսուցման 4-րդ կուրսի, մագիստրատուրայի առկա ուսուցման 1-ին կուրսի (բացառությամբ մեկ տարի տևողությամբ կրթական ծրագրերի), մագիստրատուրայի հեռակա ուսուցման 1-ին կուրսի (մեկ ու կես կամ երկու տարի տևողությամբ կրթական ծրագրերի դեպքում) և 2-րդ կուրսի (երկուս ու կես տարի տևողությամբ կրթական ծրագրերի դեպքում) մինչև 12 կրեդիտ ակադեմիական պարտք ունեցող ուսանողների քննությունների/ստուգարքների վերահանձնման 2-րդ փորձը կազմակերպվում է համապատասխանաբար նշված կուրսի 2-րդ կիսամյակի քննաշրջանի 1-ին լուծարքային շրջանում, որի ընթացքում թույլատրվում է հանձնել ընդամենը մեկ դասընթաց:
16. Տվյալ դասընթացի քննության/ստուգարքի երկրորդ վերահանձնումը իրականացվում է սույն ընթացակարգի պահանջներին համապատասխան:



17. Ակադեմիական պարտքերի վերահանձնման քննություններն/ստուգարքներն անցկացվում են 12-րդ կետով սահմանված ժամկետներում՝ դեկանի կողմից տրված ակադեմիական պարտքի տեղեկագրի հիման վրա: Վերահանձնման քննություններն/ստուգարքներն անցկացվում են դասերից հետո:
18. Ամբիոնները ձևավորում են պրոֆեսորադասախոսական կազմի երեք անդամից բաղկացած քննական հանձնաժողովներ, որոնք գործում են տվյալ ուսումնական տարում:
19. Վերահանձնման արդյունքները ֆակուլտետի դեկանատի կողմից ներկայացվում է Համալսարանի ուսումնական գործընթացի կազմակերպման բաժին՝ քննությունների ավարտից հետո 2 օրվա ընթացքում:
20. Վերահանձնման դիմում ներկայացրած, սակայն ակադեմիական պարտքի վերահանձնմանը հարգելի պատճառով չներկայացած ուսանողը պարտավոր է չմասնակցելու պատճառների մասին փաստաթղթային հիմքերը ներկայացնել ֆակուլտետի դեկանատ: Հարգելի համարվելու դեպքում ուսանողը նույն վճարման անդորրագրով կարող է մասնակցել վերահանձնման հաջորդ ժամկետում:
21. Վերահանձնման դիմում ներկայացրած, սակայն ակադեմիական պարտքի վերահանձնմանը անհարգելի պատճառով չմասնակցած կամ մասնակցած, սակայն անբավարար գնահատված ուսանողը վերահանձնման հաջորդ ժամկետներում մասնակցելու համար ներկայացնում է նոր վճարման անդորրագիր:
22. Առանձին դեպքերում սահմանված ժամկետներից դուրս ակադեմիական պարտքերի վերահանձնումը թույլատրվում է ռեկտորատի որոշմամբ՝ համապատասխան հիմնավորման առկայության դեպքում:
23. Մինչև 2023-2024 ուսումնական տարին ձևավորված ակադեմիական պարտքերի վերահանձնումը իրականացվում է անվճար հիմունքներով:

### III. ԵԶՐԱՓՈՒԿ ԴՐՈՒՅԹՆԵՐ

24. Սույն ընթացակարգը հաստատվում, փոփոխվում և լրացվում է Համալսարանի գիտական խորհրդի որոշմամբ, վավերացվում՝ ռեկտորի ստորագրությամբ:
25. Սույն ընթացակարգը ուժի մեջ է մտնում Համալսարանի գիտական խորհրդի որոշումը ռեկտորի կողմից հաստատելուց հետո՝ 2024 թ. սեպտեմբերի 1-ից:
26. Այն հարցերը, որոնք ներառված չեն սույն ընթացակարգում, կարգավորվում են Հայաստանի Հանրապետության օրենսդրությամբ, Համալսարանի կանոնադրությամբ և այլ իրավական ակտերով:

**Գիտական քարտուղար՝**

10 հուլիսի 2024թ.

Գիտխորհրդի որոշում № 01-07/24




**Լ. Հ. Լևոնյան**